

in^z dy heüblein nit abfielen und ir gewonheyt plyb. Also bestetigt er das. //

[29/38] Item es sein zwen münch kumen^{a)} in sein land, die hat er geladen, sy sollen zu im kumen, das geschach. Do nam er den einen münch und fragt in, w^z^{b)} man guttes von im saget. Diser münch forcht sich ser und sprach: „Man sagt alls^{c)} gutes von eüch und ir seyt gar ein frumer her, dz^{d)} sag ich auch von eüch.“ Er hieß disen münch behalten und man pracht im den anderen mün/ch^{e)}, der ward von im gefragt^{f)} wie der erst. Do gedacht der ander münch, ich muß doch sterben. Ich will im die warheit sagen und sprach: „Ir seit der gröst wütrich, den man vinden^{g)} mag^{h)} in der welt. Und keinen menschen han ich gesehen, der eüch ye gutes nachsaget und dz habt ir wol bewisen.“ Do sprach der Dracole: „Du hast mir war^{h)} gesagt, darumb will ich dich lasen leben“. Und lies in ledig. Und schickt wider zu dem ersten und meint, er würd im auch die warheit sagen, do sagt er wie vor. Der Dracolⁱ⁾ sprach: „Nempt in hin“. Und ließ in spissen von der warheit^{j)} wegen.

[30/34] Item er ließ kinder praten, die musten ire müter essen. Und schnid den frawen die prüst^{k)} ab, die musten ir man essen. Darnach ließ er sie all^{l)} spissen.

[31/33] Item er ließ all petler in seinem land ein gut mal bereiten. Nach dem mal ließ er sie in dem stadel, darin sie geessen heten, versperen. Und verprent sie all. Er maynt, sie esen den leüten dz^{m)} ir umbsunst ab und künnten das nit verdienen.

[32/44] Pald darnach fieng in der künig in Hungeren²² und behielt in vill zeit hertigklich gefangen. Darnachⁿ⁾ er sich zu Ofen²³ tauffen ließⁿ⁾ und thet grose püs. Darnach machet der künig den Dracole way-da wider zu einem herren als vor. Und man sagt, er teth^{o)} darnach vill guter sach.^{p)}

a') kumeen MA. b') was MA. c') alles MA. d') das MA. e') mün-
chen MA. f') befragt MA. g') mag vinden MA. h') *Im Original* wor
PW; war MA. i') Tracol MA. j') unwarheit MA. k') bruest MA.
l') alle MA. m') das MA. n'-n') Darnach ließ er sich zu Ofen taufen MA.
o') deth MA. p') *In MA folgt:* Volendet am tag Calixti von Marco Ayrrer im
LXXXVIII iare.

22) Matthias Corvinus († 1490).

23) Ofen, heute zu Budapest.